


სსიპ საზოგადოებრივი მაუწყებლის აჭარის ტელევიზია და რადიო



სატელევიზიო დოკუმენტური ფილმების დამზადების
მომსახურების შესყიდვა ნაწილობრივ ბარტერის გზით

ელექტრონული ტენდერის სატენდერო დოკუმენტაცია

კლასიფიკატორის **CPV** კოდი №92221000 - სატელევიზიო
პროგრამების წარმოებასთან დაკავშირებული მომსახურებები

ქ.ბათუმი

2014 წ.

სარჩევი

1. ინსტრუქცია ტენდერში მონაწილეობისათვის 3-6.
2. ტექნიკური დოკუმენტაცია 6-7.
3. ხელშეკრულების პირობები 7.
4. პრეტენდენტის მიერ წარმოსადგენი ინფორმაცია 8.
5. აფიდავიტი 9.

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე

1. ინსტრუქცია ელექტრონულ ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარეს 2011 წლის 7 აპრილის №9 ბრძანების შესაბამისად.

1.2 სატენდერო წინადადების წარდგენისათვის უნდა იყოს დარეგისტრირებული სახელმწიფო შესყიდვების ერთიან ელექტრონულ სისტემაში <https://tenders.procurement.gov.ge> მიმწოდებლის სტატუსით. შემდეგ ვალდებული ხარტ გაეცნოთ აფიდავიტის პირობებს და დაეთანხმოთ მას (გაცნობას და თანხმობას ადასტურებთ სისტემის მეშვეობით).

1.3 1.2 პუნქტის გავლის შემდგომ, პრეტენდენტი ვალდებულია ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური.

1.4 სატენდერო წინადადების უზრუნველყოფის ელექტრონული გარანტია უნდა იქნას წარმოდგენილი

სატენდერო განცხადებაში მითითებული სავარაუდო ღირებულების 1%-ის ოდენობით (ელექტრონული გარანტიის მოქმედების მინიმალური ვადა - არანაკლებ 160 კალენდარული დღე სატენდერო წინადადებების წარდგენის დაწყების ეტაპიდან). ტენდერში მონაწილეობის საფასური შეადგენს 50 (ორმოცდაათი) ლარს.

1.5 ელექტრონული გარანტიის წარდგენისა და საფასურის გადახდის სისტემაში არსებული ავტომატური

საშუალებების გაუმართაობის შემთხვევაში, ყოველ კონკრეტულ ტენდერში, ელექტრონული გარანტიის წარდგენა და საფასურის გადახდა შესაძლებელია განხორციელდეს სააგენტოსთან შეთანხმებით, ტექნიკური დოკუმენტაციის სისტემაში ატვირთამდე სახელმწიფო შესყიდვების განხორციელების წესის შესახებ დებულებით გათვალისწინებული პროცედურების გამოყენებით. აღნიშნული ქმედებების განხორციელების გარეშე თქვენ არ გექნებათ სატენდერო წინადადების წარდგენისა და შესაბამისად, ტენდერში მონაწილეობის შესაძლებლობა.

1.6 მას შემდეგ, რაც ზემოაღნიშნულ ქმედებებს განხორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება.

1.7 სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.

1.8 ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით.

1.9 ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი.

1.10 სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა

ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

1.11 ძირითად დროში უფლება გაქვთ ცვალოთ თქვენი ფასი, კლებადობის პრინციპის ათვალისწინებითა და შემსყიდველის მიერ განსაზღვრული ბიჯზე არანაკლები ოდენობით.

1.12 ბიჯი არის სატენდერო წინადადების ფასის კლების წინასაწარ განსაზღვრული მინიმალური დენობა, რომელიც მითითებულია სატენდერო განცხადების შესაბამის ველში.

1.13 დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში მონაწილეობა არ მიიღოს და შესაბამისად, ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

1.14 დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით, კერძოდ, პირველ რაუნდში ბოლო შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დააფიქსირა, ხოლო ყოველ მომდევნო რაუნდში - კი ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი.

1.15 მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

1.16 იმ შემთხვევაში თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.

1.17 თუ პრეტენდენტის მიერ წარმოდგენილი ტექნიკური დოკუმენტაცია არ შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი მას განუსაზღვრავს გონივრულ ვადას ტექნიკური დოკუმენტაციის დაზუსტებისათვის. დაუშვებელია ტექნიკური დოკუმენტაციის ისეთი დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას წინადადების ფასზე.

1.18 იმ შემთხვევაში თუ ყველაზე დაბალი ფასის მქონე პრეტენდენტმა წარმატებით გაირა ყველა ზემოთ

მოყვანილი ეტაპი (არ იქნა დისკვალიფიცირებული), შემსყიდველი დებს მასთან სახელმწიფო შესყიდვების შესახებ ხელშეკრულებას.

1.19 პრეტენდენტის დისკვალიფიკაცია ხდება შემდეგ შემთხვევებში:

ა) თუ პრეტენდენტი უარს აცხადებს მის მიერ წარმოდგენილ სატენდერო წინადადებაზე;

ბ) თუ საუკეთესო ფასის მქონე პრეტენდენტის სატენდერო წინადადება ან/და საკვალიფიკაციო მონაცემები არ შეესაბამება (მათ შორის, ტექნიკური დოკუმენტაციის დაზუსტების შემდეგ) სატენდერო განცხადებისა და სატენდერო დოკუმენტაციის მოთხოვნებს;

გ) თუ გამარჯვებული პრეტენდენტი უარს განაცხადებს ხელშეკრულების დადებაზე ან ვერ წარმოადგენს

ხელშეკრულების შესრულების უზრუნველყოფის გარანტიას (ასეთი გარანტიის არსებობის შემთხვევაში)

კანონმდებლობით გათვალისწინებულ ვადაში;

დ) პრეტენდენტის მიერ არაკეთილსინდისიერი ქმედების განხორციელებისას.

1.20 ამ ინსტრუქციის 1.2 ქვეპუნქტით გათვალისწინებულ შემთხვევებში, შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

1.21 „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარეს 2011 წლის 7 აპრილის №9 ბრძანების მე-2 მუხლის პირველი პუნქტის „ქ“, „რ“ და „ტ“ ქვეპუნქტებით გათვალისწინებული ეტაპის შემდეგ ელექტრონული გარანტია უბრუნდება პრეტენდენტს, გარდა იმ შემთხვევებისა, როდესაც:

ა) პრეტენდენტი უარს იტყვის თავის სატენდერო წინადადებაზე;

ბ) პრეტენდენტი შეყვანილია შავ სიაში შესაბამისი ტენდერის ჩატარების შედეგად;

გ) პრეტენდენტი დისკვალიფიცირებულია „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარეს 2011 წლის 7 აპრილის №9 ბრძანების მე-13 მუხლის მე-2 პუნქტის „ბ“, „გ“, „ე“ და „ზ“ ქვეპუნქტების შესაბამისად.

1.22 იმ შემთხვევაში, თუ ელექტრონული გარანტიის პრეტენდენტისათვის დაბრუნება მოხდება ამ ინსტრუქციის 1.24 პუნქტით დადგენილი პირობების დარღვევით, პრეტენდენტი ვალდებულია სახელმწიფო შესყიდვების სააგენტოს დაუბრუნოს საგარანტიო თანხა შესაბამისი მოთხოვნისთანავე.

1.23 ელექტრონული ტენდერის შეწყვეტა:

ა) სატენდერო კომისიას უფლება აქვს შეწყვიტოს ტენდერი თუ ყველაზე დაბალი ფასის მქონე პრეტენდენტის დისკვალიფიკაციის შემდეგ, თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/და ამ შესყიდვის ობიექტის საბაზრო ღირებულებას.

ბ) სატენდერო კომისიას უფლება აქვს ელექტრონული ტენდერის შემთხვევაში ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე;

გ) შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის,

პრეტენდენტებს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზედაც მიიღო ეს გადაწყვეტილება. შესყიდვის პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის, აანაზღაუროს შესყიდვაში მონაწილეობასთან დაკავშირებული ხარჯები.

1.24 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე (შესყიდვის ობიექტის სპეციფიკური ტექნიკური აღწერილობა შესაძლებელია წარმოდგენილი იყოს ინგლისურ ენაზე).

1.25 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.26 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.27 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.28 პრედენდენტს არა აქვს უფლება წარმოადგინოს ალტერნატიული წინადადება.

2. ტექნიკური დოკუმენტაცია:

2.1 შესყიდვის ობიექტის დახასიათება

სატელევიზიო დოკუმენტური ფილმები

2.1.1 შესყიდვის ობიექტი: სსიპ „საზოგადოებრივი მაუწყებლის აჭარის ტელევიზია და რადიო“ აცხადებს ტენდერს სატელევიზიო დოკუმენტური ფილმების დამზადებისა და სახელმწიფო შესყიდვის მიზნით, რომელიც ნაწილობრივ ატარებს საბარტერო ხასიათს.

2.1.2 შესყიდვის მიზანი: უნდა მომზადდეს ორი დოკუმენტური ფილმი:

ა) დოკუმენტური ფილმი 1978 წლის 14 აპრილი/26 მაისის ბათუმის მოვლენების - ქართული ენის სახელმწიფო სტატუსის დასაცავად საპროტესტო გამოსვლების ისტორიული მნიშვნელობის შესახებ.

საარქივო და უშუალოდ მოძიებული მასალების მიხედვით უნდა შეიქმნას ბათუმისა და მთელი საქართველოს მაშინდელი პოლიტიკური მდგომარეობის სურათი, წარმოჩენილი უნდა იყოს ცნობილი ქართველი საზოგადო და საბჭოთა პოლიტიკური მოღვაწეები, უბრალო ადამიანები, რომლებიც უშუალოდ მონაწილეობდნენ მოვლენებში, ან უკავშირდებიან ამ ისტორიულ ფაქტს და გავლენა იქონიეს საბოლოო შედეგზე. ფილმში გამოყენებული უნდა იყოს საარქივო დოკუმენტები, პრესა, კინო, ვიდეო და ფოტომასალა. ფილმში ჩართული უნდა იყოს მოვლენის ამსახველი ცალკეული ფაქტების რეკონსტრუირებული სცენები.

ბ) დოკუმენტური ფილმი აჭარის დედამშობლოსთან დაბრუნების, ბათუმისა და მთელი საქართველოსთვის 1878 წლის 25 აგვისტოს ისტორიული მნიშვნელობის შესახებ.

ისტორიული წყაროების მიხედვით უნდა შეიქმნას ბათუმისა და მისი შემოგარენის მაშინდელი მდგომარეობის სურათი მსოფლიო პოლიტიკური ვითარების ფონზე, წარმოჩენილი უნდა იყოს ცნობილი ქართველი და უცხოელი საზოგადო და პოლიტიკური მოღვაწეები, რომლებიც უკავშირდებიან ამ ისტორიულ ფაქტს და გავლენა იქონიეს საბოლოო შედეგზე, გამოყენებული უნდა იყოს მაშინდელი საარქივო-წერილობითი დოკუმენტები, პრესა და ფოტომასალა. ფილმში ჩართული უნდა იყოს ცალკეული ისტორიული ფაქტების რეკონსტრუირებული სცენები.

2.1.3 რაოდენობა - 2 (ორი) ფილმი;

1 ფილმის ხანგრძლივობა - 45 (ორმოცდახუთი) წუთი.

2.1.4 პრეტენდენტმა უნდა წარმოადგინოს:

ა) ფილმების სინოფსისი და ხარჯთაღრიცხვა;

ბ) ფილმის დამზადების საწარმოო-ტექნოლოგიური ციკლის აღწერა;

გ) ინფორმაცია ფილმებზე მომუშავე პირების კვალიფიკაციისა და გამოცდილების შესახებ. იმ შემთხვევაში, თუ სატენდერო წინადადებაში მითითებული პირები სხვადასხვა

ობიექტური მიზეზის გამო ვერ შეძლებენ შემდგომში ფილმებზე მუშაობას, მიმწოდებელი ვალდებულია შეათანხმოს შემსყიდველთან მათი შემცვლელის კანდიდატურები;

დ) ფილმებზე მომუშავე რეჟისორის მიერ ადრე გადაღებული დოკუმენტური ფილმი/ფილმები (წარედგინება სატენდერო კომისიას DVD დისკზე).

შენიშვნა:

იმ შემთხვევაში თუ ელექტრონულ ტენდერში ყველაზე დაბალი ფასის წარმომდგენი პრეტენდენტის ტექნიკური დოკუმენტაცია ვერ დააკმაყოფილებს 2.1.4 პუნქტის მოთხოვნებს, მოხდება პრეტენდენტის დისკვალიფიკაცია (შენიშნულოვანი იქნება რეჟისორის მიერ ადრე გადაღებული ფილმების მხატვრული დონე).

2.1.5 მიწოდების ეტაპები და ვადები (აითვლება ხელშეკრულების გაფორმების დღიდან):

I ეტაპი - 14 (თოთხმეტი) კალენდარული დღე - პირველი ფილმის (ქართული ენის სახელმწიფო სტატუსის დასაცავად საპროტესტო გამოსვლების შესახებ) სცენარის მომზადება და შემსყიდველისათვის დასამტკიცებლად წარდგენა;

II ეტაპი - 60 (სამოცი) კალენდარული დღე - პირველი ფილმის დამზადება და ჩაბარება (DVCAM ფორმატის კასეტაზე);

III ეტაპი - 74 (სამოცდათოთხმეტი) კალენდარული დღე - მეორე ფილმის (აჭარის დედასამშობლოსთან დაბრუნების შესახებ) სცენარის მომზადება და შემსყიდველისათვის დასამტკიცებლად წარდგენა;

IV ეტაპი - 120 (ას ოცი) კალენდარული დღე - მეორე ფილმის დამზადება და ჩაბარება (DVCAM ფორმატის კასეტაზე).

შენიშვნა: მომსახურება მომდევნო ეტაპზე გადავა მხოლოდ მას შემდეგ, როდესაც დასრულდება წინა ეტაპი.

2.1.6 შემსყიდველი უზრუნველყოფს ოპერატორს ვიდეოკამერით, კომპიუტერულ სამონტაჟოს, კასეტებს, ან მეხსიერების ბარათებს ფილმებისთვის საჭირო ვიდეომასალის გადაღებისა და მონტაჟის დროს.

2.1.7 შემსყიდველი განახორციელებს შესყიდვის ობიექტის (გაწეული მომსახურების) შემოწმებას. იმ შემთხვევაში თუ მიწოდებულ პროდუქციას აღმოაჩნდება გარკვეული ხარვეზები და მიმწოდებელი ვერ უზრუნველყოფს აღნიშნული ხარვეზის გამოსწორებას, შემსყიდველი უფლებამოსილია უარი განაცხადოს შესყიდვის ობიექტის მიღებაზე და მიღება-ჩაბარების აქტის გაფორმებაზე (შესყიდვის ობიექტი ჩაითვლება მიღებულად მხოლოდ მხარეთა შორის მიღება-ჩაბარების აქტის გაფორმების შემდეგ).

მიწოდების ადგილი: ბათუმი, მემედ აბაშიძის #41.

2.1.8 მიმწოდებლის მიერ წარმოდგენილი პროექტის ფარგლებში საავტორო და მომიჯნავე უფლებებთან დაკავშირებულ საკითხებზე სრული პასუხისმგებლობა ეკისრება მიმწოდებელს.

2.1.9 ფულადი ანაზღაურება იქნება ეტაპობრივი:

I ეტაპის შემდეგ - ფულადი ანაზღაურების საერთო თანხის 12%;

II ეტაპის შემდეგ - ფულადი ანაზღაურების საერთო თანხის 28%;

III ეტაპის შემდეგ - ფულადი ანაზღაურების საერთო თანხის 18%;

IV ეტაპის შემდეგ - ფულადი ანაზღაურების საერთო თანხის 42%;

თითოეული ეტაპის მიღების შემდეგ შესაბამისი მიღება-ჩაბარების აქტის, ან/და სხვა სათანადო დოკუმენტის გაფორმებიდან 10 კალენდარული დღის ვადაში უნაღდო ანაგარიშსწორებით.

3. ფასების ცხრილის შედგენის წესი

3.1 ხარჯთაღრიცხვაში ასახული უნდა იყოს ყველა ხარჯი და საქართველოს კანონმდებლობით გათვალისწინებული გადასახადები.

3.2 სავარაუდო ღირებულებაა 18 300 (თვრამეტი ათას სამასი) ლარი დღგ-ს ჩათვლით, სადაც შედის 2/3 - 12 200 ლარი უნაღდო ანგარიშსწორებით და 1/3 – 6 100 ლარი ბარტერი - შემსყიდველი მიმწოდებელს დაუთმობს აღნიშნული ღირებულების სასპონსორო მომსახურებას.

3.3 ელექტრონული ვაჭრობის შედეგად დაკლებული ფასი პირველ რიგში აისახება სასპონსორო მომსახურების ფასის ოდენობაზე.

შენიშვნა:

სასპონსორო მომსახურება განხორციელდება მიმწოდებლის მიერ წარმოდგენილი მედიაგეგმის მიხედვით.

ერთი სასპონსორო პაკეტი ითვალისწინებს სატელევიზიო ეთერში ერთი კვირის განმავლობაში ფილმის ანონსირებისას, ფილმის დასაწყისსა და ბოლოში სასპონსორო ტიხრის განთავსებას 36-ჯერ, მათ შორის 12-ჯერ პრაიმტაიმში.

ერთი სასპონსორო პაკეტის ფასი შეადგენს:

- სტატუსით სპონსორი - 500 (ხუთასი) ლარს;
- სტატუსით გენერალური სპონსორი - 600 (ექვსასი) ლარს;
- სტატუსით წარმდგენი - 700 (შვიდას ასი) ლარს;

სასპონსორო ტიხარი არ უნდა წარმოადგენდეს სარეკლამო ვიდეორგოლს.

თითოეული სასპონსორო ტიხრის ხანგრძლივობა არ უნდა აღემატებოდეს 10 წამს.

შენიშვნა:

გაწეული მომსახურება უნდა შეესაბამებოდეს საერთაშორისო სტანდარტებს.

4. ხელშეკრულების აუცილებელი პირობები:

4.1 ფულადი ანგარიშსწორების პირობები:

ა) ფულადი ანგარიშსწორება მიმწოდებელთან განხორციელდება მიღება-ჩაბარების აქტის და ანგარიშ-ფაქტურის ან სხვა შესაბამისი დოკუმენტის გაფორმებიდან 10 კალენდარული დღის ვადაში.

ბ) ანგარიშსწორება მოხდება უნაღლო ანგარიშსწორებით ეროვნულ ვალუტაში.

4.2. ხელშეკრულებით გათვალისწინებული პირობების შეუსრულებლობა:

ა) ხელშეკრულებით გათვალისწინებული ვალდებულებების შეუსრულებლობისათვის (მათ შორის დაგვიანებით შესრულებისათვის) მიმწოდებელს ეკისრება პირგასამტეხლო ხელშეკრულების ჯამური ღირებულების 10 (ათი) პროცენტის ოდენობით;

ბ) საჯარიმო სანქციების გადახდა არ ათავისუფლებს მიმწოდებელს ძირითადი ვალდებულების შესრულებისგან.

5. ხელშეკრულება სახელმწიფო შესყიდვის შესახებ

ა) ხელშეკრულების საბოლოო ვარიანტი დაზუსტდება ტენდერში გამარჯვებულ პრეტენდენტთან ხელშეკრულების გაფორმების პროცესში, გარდა სატენდერო დოკუმენტაციის მე-4 პუნქტით განსაზღვრული მოთხოვნებისა.

6. პრეტენდენტის მიერ წარმოსადგენი ინფორმაცია:

ა) პრეტენდენტის სრული დასახელება;

ბ) პრეტენდენტის საიდენტიფიკაციო კოდი;

გ) პრეტენდენტის იურიდიული და ფაქტობრივი მისამართი;

დ) პრეტენდენტის ელ.ფოსტის მისამართი;

ე) საკონტაქტო პირის ტელეფონის ნომერი;

ვ) ორგანიზაციის ხელმძღვანელის სახელი და გვარი;

ზ) ბანკის დასახელება;

თ) ბანკის კოდი;

ი) ანგარიშის ნომერი;

7. პრეტენდენტმა უნდა უზრუნველყოს:

ა) სატენდერო დოკუმენტაციით განსაზღვრული დოკუმენტების ატვირთვა სახელმწიფო შესყიდვების ერთიან ელექტრონულ სისტემაში:

– ტექნიკური დოკუმენტაცია და ხარჯთაღრიცხვა;

– თანხმობა ხელშეკრულების აუცილებელი პირობების მიღების თაობაზე;

– პრეტენდენტი პირის რეკვიზიტები.

ბ) ყველა დოკუმენტი ხელმოწერილი და ბეჭედდასმული უნდა იყოს უფლებამოსილი პირის მიერ.

8. საკონტაქტო პირი:

ა) სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია წერილობითი მიმართვის შემთხვევაში, ქ. ბათუმი მ.აბაშიძის გამზირი №41, საკონტაქტო პირი კომისიის წევრი მამუკა გუნდაძე; ტელ. 595 11-30-52, 27-43-82.

აფიდავითი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვანერო ამ აფიდავითს და წარვადგინო ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯარობის მომენტამდე.

გავეცანი ამ აფიდავითის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავითი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.